

KLUB ZASTUPNIKA DEMOKRATSKE FRONTE
SKUPŠTINA KANTONA SARAJEVO
Datum: 26.11.2024

ZASTUPNIČKO PITANJE

Pitanje za Premijera I Vladu KS

Ovo je treći put da u ovoj skupštini postavljam isto zastupničko pitanje na koje nikad do sad nisam dobio odgovor Pitanje glasi:

Zašto još uvijek nije formiran Ured Vlade Kantona Sarajevo za podršku Srebrenici?

Podsjetiću I vladu I ovu skupštinu, Skupština KS je usvojila Zakon o posebnim programima KS za memorijalizaciju genocida, podršku povratku i razvoju Srebrenice, pomoći žrtvama i porodicama žrtava genocida nad Bošnjacima zaštićene zone Ujedinjenih nacija Srebrenica u aprilu 2022. Godine. Rok za uspostavu Ureda je bio 60 dana. Jasno je da je Vlada KS prekršila ovaj zakon i postavljene rokove. Od tada je prošlo evo 2,5 godine a ured još nije uspostavljen. Zašto???

Budžetima za 2023 I 2024 godinu bile su planirane stavke u iznosu od 2 miliona KM I naravno ni marka nije realizirana. Nedavno smo imali u ovoj Sali raspravu na temu pomoć povratnicima I bilo je hvalospjeva kako su neki jako mnogo učinili, a neki kao nisu ništa. Niko nije smogao snage da spomene Srebrenicu I ovaj Zakon I da kaže da nije urađeno ništa. Bilo bi izgleda previse sada očekivati da neko preuzme odgovornost za to, budući da se niko nije udostojio da odgovori na prethodnih nekoliko upita zašto Ured nije formiran. Umjesto bilo kakvog odgovora I umjesto Ureda za Srebrenicu Vlada KS donosi sramotnu odluku o obustavi izvršavanja rashoda u Budžetu KS za 2024. među kojima je i budžetska stavka - Implementacija Zakona o Srebrenici u iznosu od 2.104.888 KM. Hoće li iko preuzeti odgovornost za ovo kad je Srebrenica u pitanju. Postavljam glasno pitanje I tražim odgovore, gdje su otišli milioni koji su trebali biti implementirani u Srebrenici u protekle dvije godine? Hoće li se naknadno realizirati 4 miliona KM iz protekle dvije godine, uz ova nova 2 miliona predviđena budžetom za 2025 godinu ili ćemo

opet doživjeti odluku o stavljanju van snage stavke iz budžeta koja je predviđena Zakonom. Ako se to desi, onda je poštenije da stavite van snage Zakona jer koliko sutra će raznim političarima sinuti ideja da ponovo budžetskim obećanjima stanu u odbranu povratnika i istočnog bedema domovine, a zapravo je to uvreda povratnicima koji su preživjele žrtve genocida.

Zastupnik Ilijaz Pilav